



অবিলম্বে প্রকাশের উদ্দেশ্যে: 8/18/2023

গভর্নর ক্যাথি হোকল

লং আইল্যান্ডে ব্রিজহ্যাম্পটন শিশু পরিচর্যা এবং বিনোদনমূলক কেন্দ্রের নতুন 3.3 মিলিয়ন ডলারের ফ্যাসিলিটির উদ্বোধন উদযাপন করেছেন গভর্নর হোকল

রাজ্যের তহবিল শিশু পরিচর্যার পরিষেবা, স্কুলের পরের প্রোগ্রাম, কর্মশক্তির প্রশিক্ষণ, এবং ব্যাপক পারিবারিক সহায়তার ব্যবস্থাকে উন্নত করে

নিউ ইয়র্কের পরিবারগুলির জন্য সাশ্রয়ী মূল্যের শিশু পরিচর্যার বিকল্পগুলি প্রসারিত করার জন্য গভর্নরের প্রতিশ্রুতিকে পরিপূরক করে

গভর্নর ক্যাথি হোকল আজ লং আইল্যান্ডের সাউদাম্পটন শহরে ব্রিজহ্যাম্পটন শিশু পরিচর্যা এবং বিনোদনমূলক কেন্দ্রের নতুন 3.3 মিলিয়ন ডলারের নতুন ফ্যাসিলিটির উদ্বোধনের ঘোষণা করেছেন। 1950-এর দশকের শুরুর দিকে BHCCRC তৈরির জন্য দান করা ছয় একরের জমির উপর অবস্থিত, অত্যাধুনিক, 7,828-বর্গফুটের ভবনটি অত্যাবশ্যিক পরিষেবা সম্প্রসারণ এবং লং আইল্যান্ডের ইস্ট এন্ডে বসবাসকারী নিম্ন-আয়ের কর্মজীবী পরিবারগুলিকে সেবা প্রদান করার ক্ষেত্রে একটি উল্লেখযোগ্য মাইলফলককে চিহ্নিত করে। সাশ্রয়ী মূল্যের শিশু পরিচর্যা, গ্রীষ্মকালীন প্রোগ্রামগুলিকে সমৃদ্ধ করা এবং বিভিন্ন বিনোদনমূলক কার্যকলাপের উপর ফোকাস সহ, BHCCRC সামাজিক উন্নয়নকে উৎসাহিত করার সাথে সাথে পরিবার এবং শিশুদের ক্ষমতায়ন করে।

"এই নতুন ফ্যাসিলিটি ইস্ট এন্ড এবং লং আইল্যান্ড জুড়ে প্রাপ্য উচ্চ-মানের শিশু পরিচর্যার বিকল্পগুলি এবং শিক্ষামূলক প্রোগ্রামগুলিতে অ্যাক্সেস প্রসারিত করতে সহায়তা করবে," **গভর্নর হোকল বলেছেন।** "এই অত্যাধুনিক ফ্যাসিলিটিতে বিনিয়োগ করার মাধ্যমে, আমরা কর্মজীবী পিতামাতাদের জন্য বিনিয়োগ করছি এবং তাদের সন্তানদের শিক্ষাগত সমৃদ্ধি এবং পরিচর্যা প্রদানের সাথে তাদের কর্মশক্তিতে থাকার জন্য প্রয়োজনীয় সমর্থন প্রদান করছি।"

একটি ঐতিহাসিকভাবে কৃষ্ণাঙ্গ, সম্প্রদায়-ভিত্তিক প্রতিষ্ঠান হিসেবে ব্রিজহ্যাম্পটন শিশু পরিচর্যা এবং বিনোদনমূলক কেন্দ্র (BHCCRC) প্রজন্মের পর প্রজন্ম ধরে প্রান্তিক ইস্ট এন্ডের শিশুদের এবং কর্মজীবী পরিবারগুলির জন্য সমর্থনের আলোকবর্তিকা। BHCCRC নমনীয় সময়সূচীর বিকল্প, কর্মশক্তির প্রশিক্ষণ, স্কুলের পরের প্রোগ্রামগুলির সমৃদ্ধকরণ, গ্রীষ্মকালীন এবং কিশোরদের প্রোগ্রাম, কলেজের প্রস্তুতির ক্লাস, এবং একটি খাদ্যের প্যান্ট্রি অফার করে। একাধিক শ্রেণীকক্ষ, একটি কম্পিউটার ল্যাব, টিউটরিং স্পেস, অফিস, অতিরিক্ত বাথরুম, কমিউনিটি স্পেস এবং একটি রান্নাঘর সমন্বিত, নতুন কেন্দ্রটি শেখার, বৃদ্ধি এবং সামাজিক

বিকাশের জন্য একটি অন্তর্ভুক্তিমূলক এবং পুষ্টিকর পরিবেশের প্রচার করবে। একটি বর্ধিত ক্ষমতার সাথে, BHCCRC আরও বেশি শিশু এবং পরিবারদের সেবা প্রদান করতে সক্ষম হবে, যাদের এটি সব চেয়ে বেশি প্রয়োজন তাদের প্রয়োজনীয় শিক্ষা, সমৃদ্ধকরণ, শিশু পরিচর্যা এবং সহায়তা প্রদানের মাধ্যমে ইস্ট এন্ডের সম্প্রদায়কে শক্তিশালী করবে।

ইস্ট এন্ড সম্প্রদায়ের ভিত্তিপ্রস্তর হিসেবে BHCCRC অঞ্চলটির মঙ্গল এবং টেকসই বৃদ্ধির প্রচার করে। লং আইল্যান্ড আঞ্চলিক অর্থনৈতিক উন্নয়নের কাউন্সিল দ্বারা সুপারিশ অনুযায়ী এম্পায়ার স্টেট ডেভেলপমেন্ট নতুন কেন্দ্রটিকে 300,000 ডলারের অনুদান দিয়ে সমর্থন করেছে যা রাজ্য জুড়ে সামাজিক ন্যায্যতা প্রচারে এবং অর্থনৈতিক সুযোগগুলি প্রসারিত করার জন্য নিউ ইয়র্ক স্টেটের প্রতিশ্রুতিকে প্রতিফলিত করে।

এম্পায়ার স্টেট ডেভেলপমেন্টের প্রেসিডেন্ট, CEO এবং কমিশনার হোপ নাইট বলেছেন, "একটি সমৃদ্ধিশীল অর্থনীতি এমন একটি কর্মশক্তির সাথে আবদ্ধ যা অ্যাক্সেসযোগ্য শিশু পরিচর্যার বিকল্পগুলির সাথে সজ্জিত। ব্রিজহ্যাম্পটন শিশু পরিচর্যা এবং বিনোদনমূলক কেন্দ্রের নতুন ফ্যাসিলিটিটি পরিবার এবং তাদের সন্তানদের জন্য সমর্থন জোগাবে যা ইস্ট এন্ড সম্প্রদায়ের প্রাণবন্ততাকে সমর্থন করার সাথে একটি শক্তিশালী স্থানীয় অর্থনীতিতে অবদান রাখবে।"

এম্পায়ার স্টেট ডেভেলপমেন্টের বোর্ডের চেয়ারম্যান কেভিন ল বলেছেন, "যখন আমরা কর্মজীবী পরিবারদের সমর্থন করি, তখন আমরা আমাদের সম্প্রদায় এবং আঞ্চলিক অর্থনীতিকে শক্তিশালী করি। তরুণ মনকে সমৃদ্ধ করা থেকে শুরু করে পিতামাতাদের তাদের কর্মজীবনে দক্ষতা অর্জন করতে সক্ষম করা পর্যন্ত, কেন্দ্রের নতুন ফ্যাসিলিটিটি আগামী প্রজন্মের জন্য লং আইল্যান্ডের সামাজিক কাঠামো এবং অর্থনৈতিক সম্ভাবনা উভয়কেই লালন করবে।"

LIREDC-এর কো-চেয়ার লিভা আর্মিন, বেথপেজ ফেডারেল ক্রেডিট ইউনিয়নের চিফ স্ট্র্যাটেজি এবং মার্কেটিং অফিসার এবং ফার্মিংডেল স্টেট কলেজের প্রেসিডেন্ট ডাঃ জন নাদের বলেছেন, "লং আইল্যান্ডের ইস্ট এন্ডের পরিশ্রমী পরিবারদের সমর্থন করা এই উল্লেখযোগ্য মাইলফলক স্মরণে গভর্নর হোকলের সাথে যোগদান করা একটি সম্মানের বিষয়। শিশু পরিচর্যার অ্যাক্সেসযোগ্যতাকে উন্নত করা আঞ্চলিক অর্থনৈতিক অগ্রগতির দিকে একটি গুরুত্বপূর্ণ অগ্রগতিকে চিহ্নিত করে এবং ব্যবসা এবং সম্প্রদায় উভয়েরই উন্নতির চাবিকাঠি রাখে।"

স্টেট সিনেটর অ্যান্টনি পালুস্বো বলেন, "ব্রিজহ্যাম্পটন শিশু পরিচর্যা এবং বিনোদনমূলক কেন্দ্রের নতুন ফ্যাসিলিটিটি নিশ্চিত করতে সাহায্য করেছে যে সকল পরিবার এবং শিশুদের জন্য লং আইল্যান্ডের ইস্ট এন্ডে ব্যতিক্রমী এবং সাশ্রয়ী মূল্যের শিশু পরিচর্যার বিকল্পগুলির অ্যাক্সেস রয়েছে এবং এই অঞ্চলের শিশু পরিচর্যার পরিষেবাগুলির জন্য ক্রমবর্ধমান চাহিদার সমাধান করে।"

অ্যাসেম্বলির সদস্য ফ্রেড ডব্লিউ. থিলি, জুনিয়র বলেছেন, "অত্যন্ত গর্ব এবং কৃতজ্ঞতার সাথে আমরা ব্রিজহ্যাম্পটন শিশু পরিচর্যা এবং বিনোদনমূলক কেন্দ্রের (দ্য সেন্টার) নতুন

ভবনের আনুষ্ঠানিক ফিতা কাটা উদযাপন করছি। এটি একটি ঐতিহাসিকভাবে কৃষ্ণাঙ্গ, সম্প্রদায়-ভিত্তিক সংস্থা হিসেবে কেন্দ্রের জন্য একটি গুরুত্বপূর্ণ মুহূর্ত যা ইস্ট এন্ডের সকল প্রান্তিক শিশু এবং পরিবারদের সেবা প্রদান করে। কেন্দ্রের শিক্ষাগত এবং সমৃদ্ধকরণ কর্মসূচীগুলি কর্মজীবী পরিবারদের জন্য একটি লাইফলাইন। নিউ ইয়র্কের কেন্দ্রে বিনিয়োগটি শুধুমাত্র ইস্ট এন্ড এবং মর্টারে নয়, বরং আমাদের সম্প্রদায়ের ভবিষ্যতের জন্য। আমাদের ইতিহাসের গভীরে প্রোথিত এবং সমবেদনা দ্বারা চালিত কেন্দ্রটি 1950-এর দশকে মর্মান্তিক অগ্নিকাণ্ডের পর থেকে ইস্ট এন্ডের শিশুদের এবং পরিবারদের মঙ্গলকে লালন-পালন করেছে যা এর সৃষ্টিকে উৎসাহিত করেছিল। নির্বাহী পরিচালক বনি মিশেল ক্যাননের ব্যতিক্রমী নেতৃত্বে, কেন্দ্রটি একটি অন্তর্ভুক্তিমূলক পরিবেশ গড়ে তোলে যা পটভূমি নির্বিশেষে বৃদ্ধি, জ্ঞান এবং ক্ষমতায়নকে প্রচার করে। একসাথে, আমরা আশা এবং সুযোগের একটি ভিত্তি তৈরি করছি যা আগামী প্রজন্মগুলিকে উন্নীত করবে।"

সাফোক কাউন্টির এক্সিকিউটিভ স্টিভ বেলোন বলেছেন, "এই ফ্যাসিলিটিটি সাফোক কাউন্টির পরিবারগুলির জন্য নমনীয় সময়সূচী, কর্মশক্তির প্রশিক্ষণ, স্কুলের পরের প্রোগ্রাম এবং আরও অনেক কিছু সহ একটি অবিশ্বাস্য সুযোগ প্রদান করে। কর্মজীবী পরিবারদের জন্য এবং একটি শক্তিশালী আরও সমন্বিত সম্প্রদায় তৈরি করতে আমি গভর্নর হোকলকে তার প্রতিশ্রুতিবদ্ধতার জন্য ধন্যবাদ জানাতে চাই।"

সাউদাম্পটন শহরের সুপারভাইজার জে স্লাইডারম্যান বলেছেন, "অবশেষে কেন্দ্রের নতুন ভবনের দরজা খুলে দেওয়ার এবং এখানে এই ভবনের মধ্যে শিখবে এবং বেড়ে উঠবে এমন সকল হাসিখুশি শিশুদের স্বাগত জানানোর দিনটি এসেছে। এই সম্প্রদায়টি এই নতুন শিক্ষা কেন্দ্রের প্রকল্পের জন্য প্রতিশ্রুতিবদ্ধ কারণ সবাই বোঝেন যে এই শিশুরা আমাদের ভবিষ্যতের প্রতিনিধিত্ব করে।"

সাফোক কাউন্টির আইনপ্রণেতা ব্রিজিট ফ্লেমিং বলেছেন, "দশকের পর দশক ধরে, ব্রিজহ্যাম্পটন শিশু পরিচর্যা এবং বিনোদনমূলক কেন্দ্র আমাদের ইস্ট এন্ডের সম্প্রদায়, বিশেষ করে যারা সুবিধাবঞ্চিত এবং যাদের সংস্থানের অভাব রয়েছে তাদের জন্য শিশু পরিচর্যা এবং শিক্ষামূলক পরিষেবাগুলি প্রদানে একটি গুরুত্বপূর্ণ ভূমিকা পালন করেছে। ফ্যাসিলিটিগুলির সম্প্রসারণের সাথে, কেন্দ্রটি এখন স্কুল-পরবর্তী, সঙ্গীত এবং গ্রীষ্মকালীন প্রোগ্রামগুলি থেকে শুরু করে কলেজের প্রস্তুতি এবং কর্মীবাহিনীর প্রশিক্ষণ পর্যন্ত সম্প্রদায়কে যা অফার করে তা বাড়াতে সক্ষম। একজন কাউন্টির আইনপ্রণেতা হিসেবে, আমি গর্বিত যে সাফোক কাউন্টি এটি নিশ্চিত করতে একটি ভূমিকা পালন করেছে যাতে কেন্দ্রটি আগামী প্রজন্মের জন্য তার কাজ চালিয়ে যায় এবং সম্প্রদায়ের জন্য একটি নোঙ্গর হয়ে থাকে। আমি এই চমৎকার অর্জনের জন্য কেন্দ্র এবং এর অনেক অংশীদার এবং সমর্থকদের অভিনন্দন জানাই।"

ব্রিজহ্যাম্পটন শিশু পরিচর্যা এবং বিনোদনমূলক কেন্দ্রের এক্সিকিউটিভ ডিরেক্টর বনি মিশেল ক্যানন বলেছেন, "আমরা চাই সবাই জানুক যে কেন্দ্রটি শিশু পরিচর্যা এবং বিনোদনমূলক ক্রিয়কলাপগুলির চেয়ে আরও বেশি কিছু করে। আমরা একটি পূর্ণ-পরিষেবার সম্প্রদায়ের কেন্দ্র যা এখানে 70 বছর ধরে আছে। প্রতিটি শিক্ষার্থী ব্যক্তিগত পরামর্শ এবং একের-পর-এক সরাসরি নির্দেশিকা পায়। আমরা সুযোগ তৈরি করি এবং আমাদের প্রান্তিক শিশুদের

এবং পরিবারদের জন্য খেলার মাঠ সমান করতে সাহায্য করি। আমরা একটি পরিবার হিসেবে নিজেদের নিয়ে গর্বিত।"

লং আইল্যান্ড অ্যাসোসিয়েশনের সভাপতি ও CEO এবং সাফোকের শিশু পরিচর্যার কাউন্সিলের চেয়ারম্যান ম্যাট কোহেন বলেছেন, "শিশু পরিচর্যা একটি অর্থনৈতিক উন্নয়নের সমস্যা এবং এইভাবে ব্যবসায়িক সম্প্রদায় গভর্নর হোকলকে শিশু পরিচর্যায় অগ্রাধিকার দেওয়া এবং বিনিয়োগ করার জন্য সাধুবাদ জানায়া ব্রিজহ্যাম্পটনে একটি অত্যাধুনিক নতুন ফ্যাসিলিটি পিতামাতাদের কাজ করতে দেবে যা বৃহত্তর আঞ্চলিক অর্থনৈতিক প্রবৃদ্ধির দিকে পরিচালিত করবে, সেই সাথে তাদের সন্তানদের সামাজিকীকরণ এবং শেখার জন্য একটি নিরাপদ এবং শিক্ষামূলক পরিবেশ দেবো।"

ব্রিজহ্যাম্পটন শিশু পরিচর্যা এবং বিনোদনমূলক কেন্দ্র লং আইল্যান্ডের ইস্ট এন্ডে বসবাসকারী পরিবার এবং শিশুদের জন্য সহায়তার একটি গুরুত্বপূর্ণ ভিত্তি হিসেবে দাঁড়িয়ে আছে। ব্রিজহ্যাম্পটন শিশু পরিচর্যা এবং বিনোদনমূলক কেন্দ্রের মতো সংস্থাগুলির জন্য নিউ ইয়র্ক স্টেটের সমর্থন রাজ্য জুড়ে সমতা এবং সমৃদ্ধি বৃদ্ধির জন্য অত্যন্ত গুরুত্বপূর্ণ। প্রারম্ভিক শৈশবকালীন শিক্ষা এবং স্কুলের পরের প্রোগ্রাম, কর্মশক্তির অংশগ্রহণ, এবং ব্যাপক পারিবারিক সহায়তায় বিনিয়োগের মাধ্যমে, নিউ ইয়র্ক নিম্ন আয়ের কর্মজীবী পরিবারদের উন্নীত করার, সামাজিক গতিশীলতাকে উন্নীত করার, এবং আরও শক্তিশালী, আরও সমন্বিত সম্প্রদায় গড়ে তোলার ভিত্তি স্থাপন করছে।

ব্রিজহ্যাম্পটন শিশু পরিচর্যা এবং বিনোদনমূলক কেন্দ্রের সমাপ্তি নিউ ইয়র্কের পরিবারগুলির জন্য মানসম্পন্ন শিশু পরিচর্যার বিকল্পগুলি প্রদানের জন্য গভর্নর হোকলের চলমান প্রতিশ্রুতিকেও তুলে ধরে। অর্থবছর 2024-এর বাজেটের অংশ হিসাবে, গভর্নর শিশু পরিচর্যায় একটি চার বছরের 7 বিলিয়ন ডলারের বিনিয়োগ সুরক্ষিত করেছেন যার মধ্যে ওয়ার্কফোর্স রিটেনশন গ্রান্ট প্রোগ্রামের মাধ্যমে নিউ ইয়র্কের শিশু পরিচর্যার কর্মীবাহিনীকে শক্তিশালী করতে 500 মিলিয়ন ডলার এবং একটি নতুন নিয়োগকর্তা দ্বারা স্পন্সর করা শিশু পরিচর্যার পাইলট প্রোগ্রামের জন্য 4.8 মিলিয়ন ডলার অন্তর্ভুক্ত রয়েছে যেখানে অংশগ্রহণকারী নিয়োগকর্তা, রাজ্য এবং কর্মচারীরা শিশু পরিচর্যার খরচ ভাগ করবে। অর্থবছর 2024-এর বাজেটে ঐতিহাসিক শিশু পরিচর্যার বিনিয়োগে 10টি আঞ্চলিক অর্থনৈতিক উন্নয়নের কাউন্সিলের অঞ্চলের প্রতিটিতে একটি রাজ্যব্যাপী ব্যবসায়িক নেভিগেটর প্রোগ্রাম তৈরি করতে 1 মিলিয়ন ডলার অন্তর্ভুক্ত করা হয়েছে যাতে আগ্রহী ব্যবসায়িক কর্মচারীদের শিশু পরিচর্যার চাহিদাগুলিকে সমর্থন করার বিকল্পগুলি সনাক্ত করতে সহায়তা করে। তহবিলটি একটি রাজ্যব্যাপী নিয়োগকর্তার শিশু পরিচর্যার গাইডবুক তৈরি করতেও ব্যবহার করা হবে। গভর্নরের বিনিয়োগে এম্পায়ার স্টেট ট্যাক্স ক্রেডিট সম্প্রসারণের মাধ্যমে চার বছরের কম বয়সী শিশুদের পরিবারদের জন্য করে ত্রাণে 179 মিলিয়ন ডলারও অন্তর্ভুক্ত রয়েছে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418